

蟬

史

集

蟬尺集終

蟬者何蟲也名蟬尺何志鳥獸巢
蟲曰以蠹自喻也夫抱元凱之癖
萃華萼於詞林好子雲之奇揚波
瀾於學海究思鈎玄游心博物故
凡命簡懷銘之士每重合璧連珠

之章矧夫寰宇品疇錄若垣曜古
今事類積若倉儲有志搜羅者恒
苦吟挂一漏十也奚取夫雕蟲一
技哉雖糜一脰之純式成狐服片
羽之翠可飾鵲冠是史也攷爾雅
埤雅百家之書緝羽毛鱗甲諸蟲

之類攬撫雖富纂摭不浮首自麟
龍龜鳳以迨結蟻蟻蟻縹緲領昭暢
探討靡遺列目凡五兮卷十一約
之歸乎蟲味之取乎蠹下惟者可
為筌蹄脩辭者藉以羽翼名之多
識長於詩矣穆子純一甫治經集

之言頗勞常絕采文苑之執更肆
膏肓史編一類名命曰蟬蹤跡汗
青堪比於科斗鳥蹟生涯垂白惟
耽於帝扁魯冀亦可品格乎前脩
裨益乎來誥者也將付剞劂氏乞
序予余嘗聞河間守史君以蠹顏

其庵祝京兆敘之文待詔賦之王
元美又題咏之今余之敘是禪也
夫亦三君子之意乎若迺律以類
書責以全錄更有俟焉

賜進士出身通議大夫吏部左侍
郎兼翰林院侍讀學士

經筵講官前

兩京國子監祭酒禹門姚弘謨書

粵自姬孔而下以博物稱者若漢蔡中郎
邕楊子雲雄晉張茂先華郭景純璞宋之徐
鉉陸佃數君子而已文蔚年即企慕之顧雅
不自負揆笑西走新昌東走雲間求於越勾
吳名公而博我焉迺得呂光升氏談洽今古
李豫亨氏問學淵邃而一博全氏則又博雅
多識文韋承淵之歸而屏居五柳山庄十餘
年會合三雅旁援六經雜引子史傳記百家

言纂輯羽毛鱗甲諸蟲事實一十一卷名之
曰蟬蓋以蟬之蟲於書而文為諸蟲作一史
也噫此亦采為格物者一助云爾豈敢務博
乎哉觀是史者慎勿以文為天地間之一蟲
也而併蠹之

萬曆丙戌夏仲穆希文識

蟬史集卷之一

問

樵李稔希文

纂

羽虫類

鳳

埤雅曰鳳神鳥也羽虫三百六十而鳳為之長鳴前麟後
蛟頸魚尾鸛頸鶩頸龍文龜背燕領鷄喙五色備舉出于
東方君子之國翔翔四海之外過崑崙飲砥柱濯羽弱水
暮宿丹穴見即天下太平首文曰德翼文曰禮背文曰義
膺文曰仁腸文曰信其翼若干其聲若簫不啄生虫

不折生草不羣居不旅行不羅網罟非梧桐不棲非竹實
不食非醴泉不飲鳳古作鳳字象其形也又云乾皋斷舌
則坐歌孔雀拍尾則立舞人膝之也鸞入夜而歌鳳入朝
而舞天膝之也

草蟲經曰雄曰鳳雌曰凰鳳雖曰鸞又曰鸞鸞爾雅云鷗
鳳其雌黃部璞註云瑞應鳥也鷄頭蛇頸燕領龜背魚尾
五彩色高六尺山海經云丹穴之山有鳥五彩名曰鳳皇
詩曰鳳皇鳴矣于彼高岡梧桐生矣于彼朝陽

禽經曰青鳳謂之鶡赤謂之鶡黃謂之鶡白謂之鶡紫謂
之鶡格物論曰象鳳有五多赤者鳳多青者鸞多黃者鶡

多白者鵠多紫者鶩

地理新書曰鳳貴胸魚貴尾龜貴頭鶩貴背虎貴眼馬貴脊牛貴頸

初學記曰鳳有六像頭象天足象地目象日背象月翼象風尾象緯謂之六象六帖曰鳳有七德戴德揚義背負仁翼狀信心抱忠足履正尾擊武又曰鳳有九苞一曰歸命二曰心合度三曰耳聰達四曰舌屈伸五曰彩色充六曰冠短丹七曰足銳鉤八曰音激揚九曰腹戶戶所由入也行鳴曰歸喜止鳴曰提扶飛鳴曰即都韓詩外傳云鳳皇首戴德頸揚義背負仁心入信翼狀禮足履文尾擊武小青金

大青鼓延頸奮翼五色備舉漢家周書曰西申以鳳鳥
者戴仁抱義狀信歸有德註云其形似鷄蛇首魚尾又曰
方揚以皇鳥註云方揚戎名皇鳥配于鳳者也

莊子曰鳳皇所居積石九里河出其下天生食其樹名瓊
枝高百二十圍以琳琅為實

說文曰東方曰發明南方曰焦明西方曰鵠鵠北方曰幽
昌中央曰鳳皇

樂叶圖徵曰五鳳皆五色為瑞者一為孽者四鵠鵠鳴
喙圓目身義戴信嬰禮膺仁負智至則從之感也發明鳥喙
大頸脰翼俱大身仁戴智嬰義膺信負禮至則表之感也

焦明長喙疏翼圓尾身義戴信嬰仁膺智負禮至則水之感也幽昌銳目小頭大身細足脰若鱗葉身智戴信負禮膺仁嬰義至則旱之感也

葉子奇曰鳳骨黑雌雄久旦鳴各異其雄聲其雌音雄鳴節節雌鳴足足

鵬冠子曰鳳皇鵷火之禽陽之精也德能致之其精畢至帝王世紀曰黃帝齋于中宮坐于玄滬洛上乃有七鳳體備五色或止東園或巢阿閣黃帝遂聽鳳而調律作歷曰鳳歷蓋鳳知天時故也漢律曆志云黃帝使伶倫自大夏之西崑崙之陰取竹于嶰谷斷兩節間而吹之以為黃鍾

之宮制十二簫以聽鳳之鳴其雄鳴為六雌鳴亦六

史記云堯即位十七年鳳皇止于庭舞時簫韶九成鳳皇來儀文王時鳴于岐山呂氏春秋曰夏禹時鳳皇棲于樹鸞鳥巢于側國語曰周之興也鸞鸞鳴岐

拾遺記曰周昭王以青鳳之毛為二裘一曰煖質二曰暄肌周穆王集方士春霄宮設鳳腦之燈十洲記云煮鳳喙麟角合煎作膠名為續絃膠

鸛鵒

祝充曰焦明似鳳神鳥也郁離子曰南方有鳥五彩而象鳳名曰昭明出則天下有兵

鵙鵙

禽經曰鵙好霜又云風翔則風霜蜚則霜張茂先註云風
爲類鵙鳥名飛則隕霜其羽可爲裘以辟寒酉陽雜俎曰
鵙鵙狀似燕稍大足短趾似鼠未嘗見下地常止林中偶
失勢挫地不能自振及舉上凌青霄出涼州

鸞

山海經云鸞形五彩神靈之精見則天下安寧

埤雅曰鸞鳳之亞也鸞善歌鳳善舞又曰鸞始生時類鳳
久則五彩變易當上古時鸞與順動此鳥輒集車上雄鳴
于前雌鳴于後後世不能致作和鸞以象之謂之鸞伏蓋

雄曰鸞雌曰和禮云在輿則聞鸞和之聲義取諸此蓋和在車之衝鸞在車之軾詩云鸞聲將將又曰鸞聲噦噦汲冢周書曰丘羗鸞鳥註云鸞大于鳳亦歸仁義

瑞應圖云鸞鳥者赤神之精鳳皇之佐鷄身赤毛色被五彩鳴中五音人君進退有度親疎有別則至成王時西戎來獻埤雅云鸞作膠可以續弓弩琴瑟之絃

異苑曰罽賓國王有一鸞三年不鳴夫人曰吾聞鸞見類則鳴懸鏡照之鸞覩影悲鳴中宵一鳴而絕

孔雀

埤雅曰孔雀多變色或紅或黃如雲霞其色無定人拍其

尾則舞尾有金翠五年而後成初春乃生三四月後復周
與花萼俱榮衰雌者不冠尾短生取其尾則金翠不減一
顧則無光彩性頗妬忌自矜其尾遇婦女服綵錦必逐而
啄之捕者候天雨擒之則尾雷而重不能翔也出新羅國
格物論云孔雀文禽廣益諸州所產高四五尺太平廣記
云孔雀鳴聲自呼為都護從事孔雀尾端一翎名曰珠毛
南越志云孔雀不必匹合止以音影相接便孕亦與蛇偶
或云因雷而孕禽經云鵲見蛇則噪孔雀見蛇則宛而躍

鸚鵡

埤雅曰鸚鵡人舌能言青羽青喙其狀如鸚鵡鳥足趾前

三後一其目下睞眄上唯鸚鵡四趾齊分兩睞俱動如人目

格物論曰鸚鵡能言有慧性大如鵲朱喙鉤吻翠頂金眼玄項碧羽頰足翠尾言語圓滑兩指向前兩指向後漢書謂之馴鳥郭璞山海經註謂之慧鳥李昉謂之隴客世又名武仙郎武遊郎阿蘇兒踏蓮露鳳花臺戴蟬兒多花子桂花娘子皆其別號也

異物志曰鸚鵡西域靈禽毛色或蒼綠或紫赤喙曲如鵝而目睞行如鳩而能効人言廣管雷羅等州多有之

異域傳云扶南東有漲海時出五色鸚鵡白者大如鷄母

漢書曰武帝時南越獻馴象能言鳥顏師古註云即鸚鵡也漢武外紀云廣南進白鸚鵡呼為雪衣女

萬花谷曰瀘南有秦吉了亦如鸚鵡作人言或云似鸚鵡而白色腦有黃肉冠一名了歌又名鷦鷯今南方呼鸚鵡曰鸚歌白者曰了歌鸚鵡曰八歌以其能人言故稱曰歌秦吉了

仇池筆記云秦吉了似鸚鵡軀毛花頸絳耳腦有肉冠能言笑桂海虞衡志云吉了似鸚鵡紺黑色丹喙黃距目下連頂有深黃文頂毛有絳如人分髮能人言比鸚鵡猶慧

鸚鵡

埤雅曰鸚鵡似鵒而有幘剔其舌端教以言語甚慧格物
論曰色純黑金眼穴居者舌有兩岐必去其一方能言禽
經曰鸚鵡摩其背而瘡鸚鵡剪其舌而語蓋鸚鵡以聲交而
孕鵒以意交而孕鵒鵒以睛交而孕鵒鵒以足交而孕
淮南子曰鸚鵡不踰濟沈存中華談曰鷄踰嶺而黑鸚鵡
踰嶺而白陸佃云鵒鵒一名寒臯一名乾臯乾臯斷舌則
坐歌出嶺南者大而穴居出江浙者小而林巢然終不能
作巢奪鵒巢以居

珊瑚○珊瑚巧聲鳥也出嶺南一名山呼鵒鵒之類也
佛現鳥○崑崙縣志云蜀大戡峯晉亮殿有佛現鳥狀類

鵲鵲飛鳴近人其聲圓轉若以意會

青鳥○列仙傳云侯仙姑長沙人入衡山修道忽有青鳥飛来自言我南岳夫人使也以姑脩道精苦命我為伴

比翼鳥

山海經曰結脊國有比翼鳥每鳥一足一目一翼二鳥每接翼而飛爾雅曰南方有比翼鳥不比不飛謂之鸛鵲郭璞註云似鳬赤青色一目一翼相得乃飛王者有德則至汲冢周書王會解云巴人以比翼鳥註云即鸛鵲也一名鸛

鶯

埤雅曰鶯一名倉庚一名黃栗留當桑椹熟在桑間亦是應節趁時之鳥凡詩言黃鳥者興也言倉庚者賦也汲冢周書曰鶯蜚五日倉庚鳴倉庚不鳴臣不附主

楊雄方言曰自關而東謂之鵯鵯自關而西謂之鵯黃或謂之楚雀其聲曰綿蠻一名黃袍一名搏黍一名黃鵯又名金衣公子幽州人謂之黃鶯一名商庚一名鵯黃

燕

說文曰燕蕭口布坡枝尾埤雅曰燕齊魯謂之鳬蓋取其名自呼故曰鳬一名玄鳥詩曰燕燕于飛頡之頡之燕燕于飛上下其音燕燕于飛楚地其羽刻子曰玄鳥氏司今

者也以其春今來而秋今去一名鵲鵲汲冢周書時訓解
曰春分之日玄鳥至玄鳥不至婦人不勤白露玄鳥歸不
歸室家離散述異記曰燕經千年生胡髯一名天女作巢
避戊巳日

陶隱居曰燕有兩種有胡燕有越燕紫胎輕小者是越燕
胸斑黑色大者是胡燕越燕多在堂室中樑上作窠胡燕
一名杜候在簷下作窠世說曰聲多稀少者名漢燕

續夷堅志曰燕惡艾雀欲奪其巢銜艾置巢燕乃避去

文昌雜錄曰京東河峴崩蟄燕無數兗州刺史郗鑒因百
姓飢掘地求蟄燕而食之乃知燕乃蟄爾非渡海也酉陽

禊俎曰或言燕蟄于井燕不入室是井厖也

柳子曰簡狄在臺玄鳥致胎詩曰天命玄鳥降而生商淮南子曰契生于燕西陽禊俎曰妾媵有制則白燕來巢京房易曰白燕見則君生貴女

鶴

相鶴經云鶴陽鳥也而遊于陰因金氣依火精以自養金數九火數七故七年小變十六年大變百六十年變止六百年形定而色白體尚潔故其色白聲聞天故頭赤食于水故喙長軒于前故後指短棲于陰故足高而尾凋翔于雲故毛豐而肉踈大喉以吐故脩頸以納新故夭壽不可

量體無青黃二色木土之氣內養故不表于外是以行必
依洲屿止必集林木蓋羽族之宗長仙人之騏驎也又曰
鶴之上相瘦頭朱頂露眼黑睛高鼻短喙喙頰髹耳長頸
練身鸞鳳翼雀毛龜背鶯腹軒前垂後高脰粗節洪髀
纖指此相之備者也又曰鶴二年落子毛易黑點又二年
頭赤七年飛薄雲漢又七年學舞又七年應節晝夜十二
鳴六十年大毛落茸毛生色雪白泥水不能污百六十年
雌雄相視目睛不轉而孕千六百年飲而不食鳴則聞于
天飛則一舉千里不崇朝而徧四方者也

筆談云相鶴不必如鶴經所說但取其標格立瘦疾聲清

微者為豚凡老鶴所生則氣韻清古三年頂赤則能喚細
論其法頸欲細而長身欲人立而不橫足欲瘦而節欲高
頸肥則類雁身橫則類鶩脰粗勻俗則類鶩聲濁體肥則
類鶩皆下材也

埤雅云雀形如鶩脚長而青素翼圓尾頂上有珠常夜半
鳴其子從而和之易曰鶴鳴在陰其子和之此鳥性警至
白露降流于草上點滴有聲即高鳴相警移徙所宿之處
慮有變害也其體潔白凡鶴之相隆翼短口則少眠高脚
疎節則多力露眼赤睛則視遠回翎亞膺則體輕鳳翼雀
毛則善飛龜背鰲腹則能產輕前重後則善舞洪碑纖指

則能行又曰鶴愛陰而惡陽雁愛陽而惡陰鶴陽物也而
遊于陰聖人在上則與鳳翔于白精神氣骨自相應也

葉子奇曰鶴左右脚第一指名其爪淮南子曰雞知將旦
鶴知夜半埤雅云其聲聞八九里雞者聲走下詩曰鶴鳴
九臯聲聞于天繁露曰鶴知夜半註云夜半水佐鶴水鳥
感其生氣則益喜鳴

茅君傳以鶴為九轉還丹之使李昉以鶴為仙客東坡以
鶴為道士黃庭經以鶴為胎仙蓋古者有胎生今皆胎生陳標云鶴
與鸕鷀皆胎化而人以鶴為仙禽蓋鶴難見而鸕鷀易見
貴耳而賤目也今鸕鷀亦皆卵生此古之浪說

抱朴子曰千歲之鶴能登木其未千歲者終不集木白帖
曰千歲之鶴棲于偃蓋松

本草云雀有玄雀黃雀白雀蒼雀取其白者之血能益氣
力補虛乏去風益肺草木子曰鶴糞可以化石成灰龜尿
可以和墨寫字入石卽氏聞見錄云燕營巢避戊巳日故
不傾壞鶴有長水石故能畜魚水不涸也筆談曰鶴以華
亭雀巢村產者為得地餘處雖有皆凡格也永嘉記曰青
田有雙白鶴年年來伏子長便去投神記曰遼東有一華
表柱有鶴飛止其上曰有鳥有鳥丁令威去家千年今始
歸城郭如故人民非何不學仙塚繫繫

鵬

莊子云北溟有魚其名為鯀化而為鳥其名曰鵬四夷傳云崑崙層期國常有大鵬飛則遮日能食駱駝

鷄

春秋題辭曰鷄為積陽火德之精一名翰音禮記云祭宗廟之禮鷄曰翰音格物論曰鷄有丹白黑三色知時畜也火德之精故陽出而鳴焉以類而感也

爾雅曰鷄大者蜀註云今蜀鷄也蜀子維未成鷄健蓋鷄有蜀魯荆越諸種此鷄小蜀鷄大魯鷄又其大者莊子曰越鷄不能伏鵠郊魯鷄固能矣成玄英曰越鷄荆鷄也魯

鷄今之蜀鷄韓子曰魯雞之不期蜀鷄之不支則玄英之說非是楊雄方言云陳楚宋魏之間謂鷄為鶡鴠桂林之中謂之割鷄徐魯之間謂之秋侯子一名戴冠卽東海馬韓國有長尾鷄尾長五尺

埤雅曰日中有鷄月中有兔蓋鷄西方之物兔東方之物大明生于東故鷄入之月生于西故兔入之詩曰風雨淒淒鷄鳴喈喈風雨瀟瀟鷄鳴膠膠風雨如晦雞鳴不已言鷄之信度如此易曰巽為鷄兌見而巽伏故為鷄鷄知時而善伏故也舊云乳狗噬虎伏鷄搏狸王褒曰魚瞰鷄睨李善以為魚目不瞑鷄好邪視此言是也又云陸烏曰棲

水鳥曰宿獨鳥曰止衆鳥曰集詩云鷄棲于時日之久矣
尚書曰牝鷄無晨牝鷄之晨惟家之索

禽經曰鷄以嗔睨鳴以怒嗔雀以怨望鷄以貪顧雀以猜
瞿燕以狂睨視也鶯以喜轉鳥以悲啼鷺以飢鳴雀以唳
潔鳧以凶叫鷄以愁嘯鳴也

汲冢周書云大寒鷄始乳鷄不始乳淫女亂男月令云季
冬之月雉雊鷄乳馬氏註云雉火畜也感于陽而後有聲
鷄木畜也震于陽而後有形相感志云野鷄屬陰先鳴而
後鼓翼家鷄屬陽先鼓翼而後鳴

左傳云田饒謂魯哀公曰鷄頭戴冠者文也足傳距者武

也敵在前敢聞者勇也見食相呼者仁也守夜不失時者信也是之謂五德吳均曰鹿有食羊之美鷄有呼群之德冠宗與云巽為鷄為風鷄鳴于五更者日將至巽位感動其氣而鳴也吳臨川曰以入伏之身而出聲于天氣重陽之內與地風同其感者鷄也鷄之鳴于丑半者重陽之時也故巽為鷄括蒼龍氏曰鷄羽屬故能飛其性則為入為伏知時而善慮故巽為鷄

周禮以禽作六摯庶人執鵠工賈執鷄取其守時而動也周禮鷄人掌共鷄牲辨其物大祭祀夜嘽且以鼎百官凡國之大賓客會同軍旅長紀亦如之凡國事為期則告之

時凡祭祀面禳禬共其鷄牲註云鷄鳥木故列職于春官風俗通義曰俗說鷄鳴將旦為人起后門亦昏閉晨開捍難守固禮貴報功故門戶用鷄也鷄東方之牲也歲終更始辨秩東作萬物觸戶而出故以鷄祀祭也太史丞鄧平說臘者所以迎刑送德也大寒至常恐陰滕故以戌日臘戌者溫氣也用其氣日殺鷄以謝刑德雉著門雌著戶以和陰陽調寒配水節風雨也山海經曰祠鬼神皆以雄鷄魯郊祀常以丹鷄祀

鷄鷺以先生毛而後出殼其毛羽弱不能因風而起百鳥先出殼而後生毛毛勁故能飛也

雉

易曰離為雉離火也其體文明性淩姦悍故為雉禮記曰雉性剛而守節周禮云大夫執雁士執雉雉取其有文采而守介也陸佃曰雉死耿介妒壘護疆善聞雖飛不越介畧一界之內以一雉為長餘者雖衆莫敢鳴鵩

曲禮曰祭宗廟之雉曰䟽趾化書曰雉不再合信也埤雅曰雉鷄類也不能遠飛崇不過丈脩不過三丈故雉高一丈長三丈也禽經曰雉上無尋鵩上無常雉上有丈鷄上有尺

汲冢周書王會解云蚩揚之翟註云揚州之蚩貢翟鳥翟

鳥雉也又云立冬雉入大水為蜃雉不入大水國多漁婦

小寒雉始雉雉不雉國大水或云雉與蛟交則成蜃

蜃乃龍動

之蜃非蛤蜊也

說文曰雉有十四種又曰雷始動雉鳴而雉其頸

蔡邕月令以為雷在地中雉性堅剛故獨知之應而鳴也

爾雅曰鸛諸雉喬雉鵠雉鶩雉秩雉海雉翟山雉翰雉草

雉郭璞註云喬雉即鷓鴣也長尾走且鳴鵠雉黃色名自

呼海雉黑在海中山上翟雉長尾者卓雉一名白鶉

爾雅釋鳥云伊洛而南素質五彩皆備成章曰翬江淮而

南青質五彩皆備成章曰鷩典畧曰白雉岱宗之精出于

孟山

薛綜曰雉之健者名曰鷩尾長而走且鳴則其首尾喬如也傳云四足之美有鴈兩足之美有鷩禽經曰火為鷩鷩鷩雅曰翟雉長尾雨雪降惜其尾棲樹杪不敢下食往往餓死蓋文之溺物也

本草圖經曰周禮庖人共六禽雉是其一亦食品之貴者刺子曰五雉為五工正賈逵曰西方曰鷩雉攻木之工也東方曰鷩雉埤埴之工也南方曰翟雉攻金之工也北方曰鷩雉攻皮之工也伊洛而南翟雉設五色之工也

陸佃曰王后六服一曰翟翟畫以翟雉二曰榆翟畫以榆雉翟翟素質榆翟青質青質仁也素質義也備五彩為禮

也地道尚義故后妃之德仁義以為質而文以禮也又曰天子五門一曰雉門雉門西雉象闕也又曰褱衣西雉故曰象服漢吕后名雉令天下人呼雉為野鷄

錦鷄

埤雅曰錦鷄似雉而小一名鶯雉一名山鷄一名鷄鷄冠小背毛黃頂上綠毛鮮明胷腹洞赤西山經所謂赤鷄可以禦火者是也賦性悍戾慈害飛走如鳳之疾而其耿介甚于他雉蓋羽物之美莫美于鶯以其美斃焉在物之味莫美于鶯以其美斃焉是以物惡有其美也禽經曰霜傳強枝鳥以武生者少雪封枯原鳥以文死者多

博物志曰山鷄有美毛采自愛其色終日映水目眇則溺
圖經本草曰江淮伊洛間有一種雉尾長而小者名山鷄
人多畜之籠中所謂翟山鷄是也南越志云鷄鵠山鷄也
利距善闘世以家鷄闘之則可擒

大傳剡子曰丹鳥氏司閉者也

丹鳥氏即鷺雉以其立
秋來立冬去故司閉

本草曰鷺雉制火災山海經曰鷺雉似雉五色養之攘火

綾鳥

埤雅曰綾鳥一名鵠大如鵠鵠頭類似雉一名吐綾咽下
有髮如小綾五色彪炳吐有時風不吐而不吐有驚懼之
虞亦不吐一名避株蓋行必遠草木慮觸其喙也一名真

珠鷄體有真珠點文或刻其喙不復有綾綵矣爾雅註云
喙受食處也江東人曰鶩鶩又曰鵲善相其地而累巢安
則致其功用有驚惧之憂則不累也鵲善相其天而吐綾
樂則見其文采有戕賊之疑則不吐也

禽經曰剗鳥性勇帶鳥性仁縷鳥性樂剗鳥若鷹帶鳥若
練鵲縷鳥若綾鳥崔豹古今註云吐綾鳥一名功曹俗謂
之錦囊

倦遊錄云巴峽中有吐綾鷄羽毛有白圓點喙藏肉綾長
闊數寸紅碧相間極為煥爛遇晴日則向陽擺之頂上先
出兩角亦二寸許然沒舒其綾踰時悉歛于喙內擒之

則不見剖之亦不見

鷄頭鶻○蟬史曰鷄頭鶻一名竹鷄雉之類也好食半夏
格物論曰竹鷄比鷓鴣差小毛羽褐多斑赤文自呼泥滑
泥滑

鷓鴣○韓文註云鷓鴣雞一作鷓似鷄三足而大或云鷓高
三尺為鷓楚詞云鷓鴣鳴啁啾而悲鳴朱子註曰鷓鴣似雀
黃白色文選云駕鷓鳴鷓西陽雜俎云古琵琶用鷓鴣股
英雞○本草云英雞如雉尾短腹下毛赤體常翬飛翔不
遠生于潭州有石英處常食碎石英剖其腸尚有石英
稻雞○蟬史云稻雞似雞而小好在稻間生子聲如鷄絕

類姑惡鳥短尾能飛脚高于雞

善芳○汲冢周書云奇幹善芳善芳者頭若雄鷄佩之令人不寐

奇幹北狄名

鵠○山海經曰單張山有鳥狀如鷄文首白翼黃足名曰鵠

鵠渠○唐韻註云鵠渠狀若山鷄黑身赤足山海經云松果之山有鳥名鵠渠

鵠鵠○郭璞註山海經云鵠鵠鳥似雉青身白首

狂鳥○爾雅云狂寢鳥郭璞註云狂鳥五色有冠

翰○爾雅云翰作翰天鷄郭註云翰鷄赤羽逸周書云文

鷄若彩鷄汲冢周書王會解云蜀人以文翰文翰若鷄
註云鳥之有文彩者鷄鷄冀州人謂之澤特

鷄鷄○苦心識餘云鷄鷄金頂紅脊其色類鴉其形類鶩
來以三月三日前去以九月九日前香脆柔美味甲于水
陸云鳥此南中之信鳥食品之珍奇也此鳥來則群飛其
聲如雷去則不食諸物但淘沙渚間沙而食之欲其体輕
疲可高舉以避繒繳也蟬史云章雞黑色今江淮海渚中
有之其足蹠如鳬雁其脊銳似鷄雞聲亦如鷄成群而止
味甚美

潮鷄○一統志云廣東海中有鳥名潮雞出新會縣似雞

而小頸甚短潮至則鳴

鵒

山海經云輝諸之山多鵒郭璞註曰似雉而大青色學林
曰鵒似黑雉九攬撮應瓜摧劬故武騎以冠焉禽經曰鵒
殺鳥也鷗信鳥也陸佃曰鵒似雉而大黃黑色故名从褐
有毛角專健閉閑死不却蓋鷗鳥之暴蹠者古者令武士
冠之寔取諸猛也

白鵬

說文曰白鵬似雉長尾毛雪白頸上有白毫一帶李昉以
白鵬為閑客本草曰身白而背有細黑文名曰白鵬

格物論曰白鵬羽族之耿介者也形類雖白質黑章尾長四五尺冠距嘴爪純丹最爲可玩蕭穎士序云鵬羽族之幽奇也素質黑章爪嘴純丹體備冠距頗類夫翟鷄神貌清閑不雜于衆禽棲止遐深與入境罕接莫得而馴狎也

鷓鴣

埤雅曰鷓鴣常自呼其名每向日而飛畏霜露早晚稀出有事夜飛則以木葉自覆其背志常南向不思北徂

格物論曰鷓鴣小于野雉大臆前有白圓點背上有紫毛色其飛也皆東南回翔多對啼自呼鉤輒格磔此鳥多食半夏南越志云鷓鴣雖東西回翔然開翅之始必先南翥

亦胡馬北嘶之義也本草云鷓鴣形似母雞南方之鳥也
嶺表錄異云鷓鴣腹前有白圓點文背上間紫毛色大如
小野鷄肉白而脆味勝鷄雉其聲云行不得歌歌三元參
贊曰鷓鴣天地之神每月取一隻享至尊

啄木

爾雅曰鷽啄木郭璞註云口如錐長數寸常啄木食虫
異物志曰鷽鳥舌長五寸有大有小有褐有班褐者是雌
班者是雄雄有青黑者頭上有紅毛山中人呼為山啄木
大如鵲淮南子曰狸頭愈鼠鷽頭已癭蚤散積血啄木愈
鷽此類之推者也說文曰鷽齒齧也以類相攝故啄木愈

之聞見後錄云啄木巢樹穴中人或塞之能以嘴書符其塞自出陸佃曰鴛鳥善為禁法能曲爪畫地為印則穴之塞自開飛輒以翼漫之今鼠竊用其法以發局鑰舊說鴛鳥啄木蠹深則以舌銛之舌長于味杪有針刺古今異傳曰雷公採藥吏化為鴛鳥

子規

爾雅曰雋周說文雋作雋篆作雋象其冠也徐鉉說文註云周燕也蜀王望帝嫪其相妻嫪亡為此雋鳥故蜀人聞鳴皆起曰望帝楊雄傳註曰鷓鴣一名賈鏡或云賈鏡布谷也又云杜宇子雋陶岳雲陵記曰思歸樂狀如鳩而慘

色三月鳴音曰不如歸去一名謝豹一名杜鵑故杜鵑花
又名謝豹花

蟬史云子規一名杜宇一名杜鵑一名姊歸一名催歸一
名思歸樂一名鷓鴣似鷄而小班毛細嘴長尾三月始鳴
夜啼達旦血漬艸木凡始鳴皆北向啼苦則倒懸于樹寄
巢生子百鳥為哺其鷓鴣若大則食其哺者之鷓

異物志曰鷓鴣至三月鳴晝夜不止其聲曰歸去來歸去
來荆楚歲時記曰子規初鳴先聞者主離別學其聲令人
吐血于溷上異苑曰杜鵑先鳴者人不敢學其聲有人山
行學之嘔血死冠宗爽曰此鳥口吐血始止故有嘔血云

聞聲主離別學聲嘔血二說俱虛妄

百舌

格物論曰百舌反舌鳥蒼毛尖嘴小于鷓鴣反覆其舌隨
百鳥之音逢春則鳴至五月無聲亦候鳥也一名望春一
名喚起逢春作百鳥巧聲故曰百舌惟食蚯蚓汲冢周書
曰芒種之前反舌無聲反舌有聲佞人在側月令曰仲夏
反舌無聲然其鳴也感陽中而發故感微陰而無聲焉
韓詩云喚起窻前曙催歸日未西洪興祖註云喚起催歸
二鳥名喚起聲如人絡繹圓轉清亮偏于春晚鳴江南謂
之春喚朝野僉載云百舌春喚夏止惟食蚯蚓終

蟬史集卷之二

馮李穆希文纂

羽蟲類

雀一作爵

埤雅曰雀賦云雀頭如顰蒜目如擘杼雀物之淫者也鼠
物之貪者也故詩言雀角鼠牙以譬強暴雀四時有子鵲
逐月有子二者皆淫物也雀豹古今註云黃雀一名嘉賓
九月入水為蛤否則多淫洩酒善使人淫洩故一升曰爵
所以戒也舟以戒沉酒爵以戒淫洩其義一也蓋雀古字

作爵又曰雀浴沙而受郊埤雅又曰雀一名佳賓凡鳥雀尾翠上有肉高有穴者名脂餅鳥雀每引嘴取脂以塗翎毛則兩露不能濡禽經曰雀交不一雉交不冉又曰雀以猜瞿今雀俯而啄仰而四顧所謂瞿也汲冢周書云寒露雀入大水為蛤爵不入大水失時之極

陶隱居曰雀性利陰陽

雀尿名曰白

酉陽雜俎曰釋氏書言

雀能却火災因浴沙塵而受郊或云雀類不一有神雀蒿雀突厥雀瓦雀雀出浙東其雌雄相感必一俯一仰又有一種吳下所出大如常雀名曰黃雀極有脂堪為炙異域志云入食不拔國春未有禽飛自天降大如雀肥而味佳

天明則飛日出不見影

蒿雀○本草云蒿雀似雀青黑色在蒿間塞外稱多味甚
於常雀

突厥雀○本草云突厥雀如雀身赤從北來常有賊下邊
人候之一名蕃雀

神雀○晉灼曰神雀大如鷄黃喉白頸黑背腹有班文或
云五彩者有之東坡序云海南有五色雀常以兩絳者為
長進止必隨焉俗謂之鳳皇云久旱輒見雨潦則反吾居
傍耳見之一統志云惠州羅浮山有五色雀有貴人至則
先翔集

王母使者○酉陽雜俎云西山有鳥足青嘴赤黃素翼終
顙名王母使者

鵒

埤雅曰鵒一作鷓鴣屬其品中膳羞內則所謂雉兔鷓鴣
是也周禮庖人掌六禽謂雁鷓鴣雉鵒陸佃又曰鵒不
木處安矣故謂之鵒然又不如燕之燕也左傳曰刺子云
青鳥司啓者也註云青鳥鵒也以其立春鳴立夏止故司
啓也白虎通曰一穀不升撒鷓鴣二穀不升撒鳧雁三穀
不升撒雉兔禽經曰棧上無常鷓上有尺則鵒乃雀屬

鷓

爾雅曰鵯鵯其雄鵯牝鵯註云鵯鵯也素問曰鵯鵯也鄭玄曰鵯鵯母也一名鵯月今曰田鼠化為鵯

埤雅曰鵯鵯小鳥也無常居而有常匹故尸子曰堯鵯居莊子曰聖人鵯居而鵯食詩曰鵯之奔奔鵯之疆疆奔奔闕也疆疆剛也言鵯能不配其匹鵯能不淫其匹詩云不狩不獵胡瞻爾遠有縣也考以言在位貪鄙小禽尚公之如此此鳥性淳養不越橫草小草橫于前即旋行避礙故名曰鵯或云河北冬月多鵯鵯人馴養之以開為戲如魯地人之聞鵯武林人之聞蟋蟀也此鳥褐色好伏草莽間飛不甚高無尾碎毛

筆談曰天文家朱鳥乃取象于鵠故南方朱鳥七宿曰鵠首鵠火鵠尾是也蓋鵠有兩種有白鵠有丹鵠此丹鵠也色赤黃而又銳上禿下夏出秋藏飛必附草皆火類也或有魚所化者魚鱗生龍類火之所自生也

汲冢周書曰清明又五日田鼠不化為鴽固多貪殘

本草衍義曰人言鵠乃化生蓋有雌雄後知生何得化生也淮南子曰天文東方蒼龍七宿有角有亢有尾南方朱鳥七宿有喙有嗉有翼而無尾陸佃曰此其取象于鵠也

鵠鵠

埤雅曰鵠鵠一作鵠相鵠一名刺葦青班長尾爾雅曰鵠

鵠割葦郭璞註云好割葦皮食其中至江東呼為蘆虎似
雀

鵠○爾雅曰鵠天鵠郭璞註云水如鵠雀色似鵠好高飛
作聲今人呼為天鵠師曠曰鵠上無尋鵠上無常

竹林鳥○蔡條曰同州有一禽大如雀色正青善鳴名曰
竹林鳥

寒鳥○蟬史云寒鳥似百舌而小蒼褐色天寒風勁萬數
群飛集樹食其實殆盡立春輒不見浙東多有之

鷦鷯

爾雅曰桃蟲鷽其雌鳩陸機曰今鷽鷽是也似黃雀而小

化而為蜩語曰鷦鷯生蜩埴雅曰說花云鷦鷯巢簞之莖
繫之以絲髮珠圓羅縐雖女工運巧不能為之蓋鷦鷯性拙
鷦性巧方言謂之桑飛一名鴛歸一名工雀一名女匠其
啄尖利如錐取茅髮為巢至精密以麻紮之如刺襪然故
又名襪雀俗呼黃頭化為鷦鷯蓋鳥之始小終小者

画眉

画眉似鶯而小黃黑色其眉如画故曰画眉巧于作聲如
百舌武林人多馴養之

鑷嘴

四明志云鑷嘴生于象山似雀而大嘴如鑷色按今吳人

人養此鳥能歌舞聽人曲調則以嘴自往箱中含紙糊臉
手搬演戲法移腔換套必按音節

鉄嘴○蟬史云鉄嘴小似巧婦雀之類也淺黃色嘴似鉄
鵲

埤雅云鵲善步鳬善趨鷹善立鵲水中之大鳥也蓋鴻鵲
一舉千里故周官木輅前樊鵲縷蓋取諸此今射侯設鵲
取一舉千里意也莊子曰鵲不日浴而白鳥不日黔而黑
瑞應圖云師曠鼓琴通于神明白鵲來翔顏師古云黃鵲
大鳥也一舉千里非白鵲所比禽經曰鳥鳴啞啞鵲鳴嗉
嗉鳳鳴喈喈皇鳴秋秋雉鳴鷩鷩鷩鷩鳴呶呶鷩鷩鳴嚶嚶

鳴喈喈鵠鳴鵠鵠鳴鵠

鴈

爾雅曰鳬雁鴈其足蹠其踵企

鴈類也言鳬與雁相類也

埤雅曰雁行斜步側身其進也有漸其飛也有序其失偶也終身不配周官以禽作摯大夫執雁以其知保身又有去就之義而不失其序也其夜泊洲渚令雁奴圍而警察飛則啣蘆而翔以避繒繳能遠害且有去就義其聲如鶩其形如鳬春去秋來乃陽鳥也其性愛陽而惡陰

禹貢曰陽鳥攸居註云陽鳥隨陽之鳥謂雁也木落南翔水泮北徂周禮曰雁宜麥魚宜菰註云雁火畜麥木穀此

以水生火為宜也。魚水畜於水穀，此以同氣為宜也。又曰：卿執羔，大夫執雁，雁取其候時順陰陽也。繁露曰：大夫用鴈，雁有先後行列也。月令曰：鳴雁來賓。註曰：鴈以仲秋先至者為主，季秋後至者為賓。

汲冢周書曰：白露日鳴鴈來，又五日玄鳥歸。鳴鴈不來，遠人背畔；玄鳥不歸，室家離散。寒露日鳴鴈來，賓鳴鴈不賓。小民不服，小寒日鴈北，向鴈不北，向民不懷王。

法言曰：能往能來，朱鳥之謂與？燕名玄鳥，鴈名朱鳥，玄鳥以春分來，秋分去；朱鳥以秋分來，春分去。管子曰：鴈春北而秋南，不失其時。淮南子曰：燕鴈代飛。唐本草註曰：鴈為

陽爲其義未盡茲蓋得中和之氣熱則即北寒則即南以就和氣所以爲禮幣者一取其信二取其和也

埤雅又曰鴻鴈南翔不過衡山蓋南地極燠少雪鴈望衡山而止惡熱故也一名翁鷄一名鷺鷥一名鴈關東人呼爲鷺鷥河北人謂之霜信鴈北歸必含蘆以飛至鴈門皆却之抱朴子曰智禽嘶蘆以避網水牛結陣以却虎淮南子曰鴈從風而飛以愛氣力吐蘆而飛以避繒繳禽經曰鴻鴈愛力遇風迅舉孔雀愛毛遇雨高止

本草衍義曰鴈飛有行列少長有次序不前不後如一寫書空故曰鴈行又曰鴈字紆迴轉繞如陣故曰鴈陣杜詩

曰鴻鴈與羔羊識序又知恩格物論曰鴈陽鳥也千百成
群在洲渚間令鴈奴巡警飛有先後行列春秋南鴻又
其大者羽毛純白即天鵠也梁州記云梁州界鴈塞相傳此山
有天池水鴈棲集之故曰鴈塞古今註云鴈自河北渡江
南瘦瘠能高飛不畏緇繳江南沃饒每至還河北體肥不
能高飛且虞弋矢故嘶蘆以防之

酉陽雜俎曰臨邑縣有雁翅泊土人于此渚羅雁取其翅
翮墨客揮犀云北方有白鴈秋深則來鴈至則霜降故曰
霜信白帖曰上虞縣鴈為人治田春嘶拔草根和啄除其
穢縣官禁民不得害雁

錦繡萬花谷曰昔有比丘見羣雁中殞一雁乃曰此鴈乘
戒宜旌彼德遂塋鴈建塔故曰鴈塔太史令趙攬曰白鴈
集連宮室特空漢蘇武匈奴奴抵羊海上後常惠陰教漢
使言天子射上林得鴈足帛書故曰鴈帛

鳴

爾雅曰鵠鵠鵠郭璞註曰今之野鵠也傳曰輕于鵠毛蓋
今天鵠毛絕細甚輕世傳天鵠絨是也

埤雅曰鴈大者曰鴻詩曰鴻飛遵渚公歸無所鳴飛遵陸
公歸不復鴻羽可用為儀故易曰鴻漸于逵其羽可用為
儀禮曰前有車騎則載飛鳴載謂合剥皮毛舉之竿首

博物志曰鳴鴈大畧相類以仲秋而來賓一同也鳴如家
鵲二同也進有漸而飛有序三同也鴈色蒼而鳴色白一
異也雁多羣而鳴寡侶二異也鴈飛不過高山而鳴薄雲
表三異也毛有粗細形有大小又曰鳴毛為囊可以渡江
不漏格物論曰鳴似鴈而大羽毛純白疑世所稱白鴈者
即鳴也詩疏曰鳴鳥羽毛純白似鶴而大肉美如鴈

鵲

埤雅曰鵲一名舒鴈一名家鴈鵲頸如癭為鵲如痛江東
人呼為躬長脰善鳴又善旋轉其項古之學書者法以動
腕義之好鵲以此也鵲之行也自然而有行列故聘禮云

出如舒鴈古者兵有鷩鷩之陣左傳云鄭翩願為鷩其御
愿為鷩又曰卞子云羊性淫而狼猪性卑而率鷩性頑而
傲狗性儉而屈蓋鷩義首是傲故曰傲也鷩伏隨日務伏
隨月說者以為乳鷩伏夕隨日光所轉又曰鷩飛則城沉
鷩鳴則蛇結

禽經曰短脚者多伏長脚者多立脚近尾者好步脚近臆
者好擲陸生之鳥味多銳而善啄水生之鳥味多匾而善
喙短脚善喙鷩雁之類是也長脚善啄鷩鷩之類是也

白帖曰鷩綠眼黃喙霜毛玉羽嶺表錄異曰南道之首豪
多還鷩之細毛夾以布帛繡紵橫紵之其溫柔不減于

挾續也柳文註云邕晉洞蠻以鷩毛為被字說曰鷩飛能
俄而已是以不保其身東坡志林云鷩能警盜亦能却蛇
又有祈雨厄悲夫陶弘景曰鵠毛主射工水毒蓋鷩未必
食射工其威相制耳鷩未嘗食生虫而禽物之仁者也

鷩

埤雅曰釋鳥云舒鳬鷩註云鴨也尸子曰家鴨為鷩不能
飛翔如庶人守耕稼而已故周官庶人執鷩鄭玄曰鷩取
其不飛遷也說苑曰鷩無他心故庶人為贊

格物論曰鷩家鷩也雄者綠頭文翅紅脚聲瘖雌者黃色
或純白色善鳴陸佃曰雄鷩能鳴鷩鷩不能鳴雌鷩能鳴

雄鷩不能鳴蓋類之不可推者埤雅又曰鷩可系故為之鷩鷩可押故謂之鷩徐鉉曰鷩鷩乎郊鷩二十日而化鷩三十日而化皆有期也物類相感志曰鷩伏郊忌磨聲廣雅曰鷩音木質木故也蓋鷩性醇鷩性木風俗通曰鷩伏鷩卵雖成入水而不隨母鷩鷩異類也

鳧

爾雅云鳧雁鵠其足蹠其踵企註云脚指間有蹠蹠屬相着又其飛則伸其足也埤雅云鳧野鴨也雄者身有文章似鶯鶯而頸短鴨好浮鳧好沒說文曰鳧野鷩也一名鴨朱子曰鴨野鳧也江浙人謂之菰鴨又名漚鴨尸子曰野

鴨為鳬孟子云力不能勝一匹雛匹野鴨也以其有匹傳故云匹格物論云鳬野鴨也頭上有毛在江淮海間食沙石皆消化唐音云一種似鴨而小者名曰沉鳬一名鵞俗呼水葫蘆爾雅又云鵞沉鳬郭璞註云似鴨而小青色長尾背有文卑脚短喙水鳥之謹愿者也博物志曰人有得鳬毛長三丈者張華曰此海鳬毛也出則大亂

按鳬種甚多大小不一形色皆同其沉鳬最小者好沉水取食今淮海邊貨于市者有對鴨有四鴨有六鴨大者一對一聯小者六隻一聯

鵞鵝

爾雅云鷺鷥鵙雅云鷺鷥水鳥似鷗而黑一名鷺一名鷺
兔一名鷺賊俗呼摸魚公嘴曲如鉤食魚入喉則爛其糞
如湯其骨極硬身臭吐而生子神農書亦曰鷺鷥不卵生
口吐其雛按此鳥今人皆馴養之以捕魚皆卵生子不見有胎生者異物志云鷺鷥能
沒深水取魚不生卵而口吐其鷺多則七八少則五六水
鳥也而巢于高木蓋鳬鷺之類水不需月惟此鳥則入水
必需其毛此則少減其能耳

陶隱居云鷺鷥今謂之水老鷺巢于海屿大木上羣集宿
有常處久則木枯以其糞臭而又毒也

隋史倭國水多陸少以小環掛鷺鷥項入水捕魚

蟬史云衢巖二州灘上最多野鷓鴣馴養之久則卵生出
雖伺雛食長以木刺大魚刺其兩目冥小魚于目中沉于
水甕中俟雛啄食之馴熟後以舟載之放于水中見大魚
則鷓鴣各刺其目扛而出之不比寧嘉湖之以繩繫其項
而但取小魚也

鷓鴣

鷓鴣一作鷓三蒼曰鷓蒼色善高飛似鴈目相擊而孕吐而
生子其色蒼白莊子所謂白鷓相視眸子不運而風化者
也今鷓亦雌雄相逐受卵是亦風化西方之書曰濕以合
感化以離應此之謂也陸佃曰春秋隕石于宋視之則殞

察之則石徐察之則五書鴉曰六鴉退飛過宋都此將風
博物志曰鴉雄鳴上風雌鳴下風而孕又曰鴉晚生子又
作鷁又名鷁隔而通者也相如賦云浮文鷁鷁舟也蓋畫
鷁于舡頭以惧水族沈約云脩鷁短鳧劉禎曰綠鷁葱鷁
鷁鷁

爾雅曰鷁鷁鷁郭璞註云今之鷁鷁也一名掬向一名鷁
禽經曰方目其名鷁本草云鳥大如蒼鷁頤下有皮袋容
二升物展縮由袋中盛水以養魚身是水沫惟曾前有兩
塊肉如拳一名洵河一名謏澤一名涸澤一名鷁鷁
埤雅云鷁好羣飛沉水食魚故名濇澤形似鷁而大人足

其鳴自呼領下胡大如數升。案因以盛水貯魚。此鳥逢小
潭有魚便各以胡去水。令水竭魚露。乃共食之。故名淘河。
又名流河。

淮南子曰：鵜鵂飲水數斗而不足。莊子曰：魚不畏網而畏
鵜鵂。言鵜以智力取魚。故畏之也。

詩曰：維鵜在梁，不濡其翼。維鵜在梁，不濡其味。

禿鶩

埤雅云：鳬屬。醜鶩。雀醜性貪惡俗，呼為禿鶩。一名扶老。狀
似雀而大，長頸青目，高脚其毛辟水。毒頭高八尺，能與人
鬪。好啗水中之鳥也。其色青。詩曰：有鶩在梁，有鶩在池。

言各有所宜在也大抵形狀與鷓鴣鵒相類但不能沒水終日佇立水之急流處以伺魚鰕俗呼信天緣由其自来而食之也

丹鉛德錄云信天翁鳥名漢中有之其性食魚而不能捕魚候魚鰕所得偶隨者拾取之

鷓鴣

爾雅云爰居雜縣註疏曰海鳥也左傳云海鳥爰居似鳳皇止魯東門外臧文仲命國人祀之展禽曰今茲海其有災乎夫廣川之鳥亦知避其災是歲海多大風張華曰海鳥爰居避風而止

精衛

山海經曰發鳩山有鳥狀如鳥白首赤喙名曰精衛其名自呼是神農之少女名女娃昔遊東海溺而不返化為精衛常啣西山水石以填東海

商羊

家語云齊有一足之鳥飛集于公朝舒翅而跳齊侯聘孔子而問孔子曰此鳥鳴商羊鍾鳴則鳴鼓響則舞其鳥食災見之主有水災

畢方

山海經曰義章山有鳥狀如雀一足赤文白喙名曰畢方

見則壽椰子厚曰畢方鳥見其邑有譌火淮南子曰畢方木之精也青色赤脚一足不食五穀物理論畧曰山精曰螭物精曰魑土精曰獫水精曰罔象水精曰畢方火精曰游充金精曰清明天下有道則衆精潛滅

鵲

說文云鵲狀如鶴好水將陰雨則鳴一名負金一名背灶一名旱群按此鳥喜晴惡雨將雨則鳴將晴則飛今天晴則鵲成群旋轉磨霄而飛俗呼轉井負金者以其喜負日而飛日色如金也旱群者以其天旱則群飛也其鳴則轉搖其頸聾如砧聲

埤雅曰鵲遇巨石知石下有蛇即禹步一前一却其石防
然而轉天將雨則夜鳴又善群飛薄霄激雨而為之散作
巢大如車輪卵如三升盃取磐石周圍壓卵以助暖氣又
泥其傍巢一傍為池以石宿水飛取魚置池中飼魚雖故
曰鵲巢蔽形鵲石歸酒又曰磐石溫鵲石涼故能使卵不
蝦水不臭也詩曰鵲鳴于垤婦嘆于室垤蟻塚也鵲知天
將雨有見于上蟻知地將雨有見于下

禽經曰鵲俯鳴則陰仰鳴則晴仰鳴則晴是有見于上也
俯鳴則陰是有見于下也又云鳩生三子一為鵲鵲生三
子一為鵲拾遺記云鵲能聚水巢上故公觀多養鵲以攘

火災陶隱居云鵲屎所化菌名曰鵲菌

翡翠

爾雅曰鵲天狗註云小鳥也青似翠食魚江東人呼為水狗穴居埤雅曰翡翠一名鵲一名述似燕翠色長嘴知天將雨之鳥也故傳曰知天文者冠述冠莊子曰皮弁鵲冠以約其外義訓曰鵲紺燕風則啼商羊一足而則舞

格物論云翡翠形小不盈握一種而二色翡赤羽翠青羽鵲鵲亦翠鬣紫綾大如鳬皆珍禽也翠雀一名魚狗

異物志云翠鳥先高作巢及生子恐墮稍下作巢子生羽毛又更下巢此鳥自銜其羽毛日浴水潤鮮絢可愛即翡翠

翠也韻府群玉曰翡翠青羽雀也赤羽曰翡青羽曰翠茲
云此二鳥也翠鳥形小深青色食魚翡翠大如鳩青不深無
光彩栖林不食魚汲冢周書云倉吾翡翠翠者所以取羽
註云倉吾亦蠻也翠羽其色青而有黃也陸佃曰雄赤曰
翡翠青曰翠其小者謂之翠碧一名魚虎一名魚師善捕
魚荆王以其羽毛飾被左傳所謂翠被彫舄是也今花工
取以為婦人首飾或云翡翠各據溪曲居以藏匿猶雉之
今幾雖飛不越域也

龍門子曰翠以羽而招網松以明而致藝蘇子曰蘭以芳
致燒膏以肥見炳翠以羽殃身蚌以珠破腹楚詞謂翡翠

為翠鸛按翡翠鸛鵒魚狗俱一物而異名也嶺表者太如
鳩穴居山巖上江浙者小而青色在水涯穴處長嘴短身
飛不能高左傳所謂鵒冠即此鳥之羽取以為冠也然今
人捕翠者舡上置翠鳥為媒布網于旁翠見同類而來輒
觸網就擒人取其背上翠羽復緹之去明年復生翠羽

鷺

埤雅曰鷺一名春鋤一作鈕常步淺水好自低昂方言曰鵒
鳴謂之獨春與此同意鷺色雪白頂上有絲長尺餘欲取
魚則弭之或云雄曰鷺雌曰鷺一名振鷺以其捕魚好振
振然盛步也詩云振鷺于飛蔡邕傳曰振鷺充庭又曰鷺

啄則絲偃鷹捕則角弭哉殺機也青脚喜翹善蹙捕魚其
翔集必舞而下又曰山禽之味多短水禽之味多長山禽
之尾多修水禽之尾多促嘴長尾促如鷺是也又曰鷺惡
露至白露降則飛去而難畜養變化論曰鷺目眇而受胎
鶴影接而懷卵鷺與交頸野鵲傳枝格物論曰鷺鷥水鳥
毛白而潔喙長三寸頂上有毛數莖毵毵然頸細而長青
脚長尺餘尾短林栖朝出捕魚一名春鉏

郭景純云鷺頭翅背上皆有長翰毛江東人取以為贖攤
名曰白鷺縷桂萱錄云鷺一名碧縷翁東坡呼為雪衣兒
李昉名曰雲容晉紀謂諸曹之使為鳧鴨取其迅速也候

望伺察者名白鷺取其延頸長望故也

鷓鴣

三輔黃圖云鷓鴣玉水鳥似鳩鵲上林賦云鷓鴣屬玉註云似鴨而大長頸赤目其色紫紺本草云鷓鴣如鴨而大眼赤喙班山溪中有溪毒處所生能治沙虫水弩射工蝦蟇等病

鷓鴣

埤雅云鷓鴣五色尾有毛如舡舵小干鳴水鳥也沈約所謂秋鷓鴣寒鷓鴣修鷓鴣短鳧是也異物志曰此物毛有五色性食短狽在山澤中辟毒氣故杜陵卿云鷓鴣尋邪而逐害

蓋以其為溪中之敕逐邪害者故名又云鵠之畫印鵠之
豎置鵠鵠之敕鵠鵠之祝皆物之有智術者陳昭裕曰鵠
鵠所居雄者左雌者右群伍皆有式度大抵鵠央鳬鵠鵠
鵠之類皆然

鵠鵠

埤雅云鵠鵠匹鳥有思者也古今註云鵠央鳬類也雌雄
未嘗相離人得其一其一則思而死故名匹鳥詩云鵠央
于飛畢之羅之又曰鵠央在梁戢其左翼蓋凡鳥左顧則
怒作右盼則喜生飛而起則仰左翼飛而下則仰右翼故
鵠鳥下擊則先側左翅梁鵠即鵠央也取其在梁不驚撓

之義或云鵲好外交鴛好內思鄭衍曰鴛央止則相偶飛則成雙故以夫妻喻之雄曰鴛雌曰鴛乳帖曰鴛央異物養雖于土窟能使狐衛其子格物論曰鴛央文禽絕似鳬毛有文彩按今婦人所織有鴛央錦又有鴛央瓦鴛央杯鴛央枕鴛央被等物

鴛鴦

爾雅云鴛頃羸說文曰鴛鴦虎聲似鳬而小水鳥也註云膏堪瑩刀劍使不繡也本草曰如鳩鳴脚連尾不能陸行常在水中人至則沉頃之便起爾雅又云鴛頭鴛似鳬脚近尾不能行江東謂之魚鴛

山海經云青要山有鳥名鵯如鳬青身朱目赤尾食之宜子孫按鵯即鵯鵯故疑之併錄于此

鷖○唐韻註云鷖鷖水鳥似魚虎蒼黑色

鵯鷖○爾雅云鵯鷖註云水鳥也似鵯而短頸腹翅紫白背上綠色江東人呼為鳥鷖能化為鳥賊魚一名鷖鳥魚虎○蟬史云魚虎鳥頭有毛冠其毛蒼其耳每掠而飛攫魚而食水中之鷖鳥也

鵯鷖

埤雅云鵯鷖一名鵯鷖一名鵯可馴養之似鳬脚高毛冠巢于高木生子穴中子含其母翅飛上下淮賦所謂鷖鷖

吐維于八九鵙鵙含翼而低昂者也酉陽雜俎曰鵙鵙鬼
鵙鵙厭火孔雀辟惡說文曰鵙鵙辟火災禽經曰旋目其
名鵙鵙交目其名鵙鵙方目其名鵙鵙舊曰此鳥長目其睛交故
名鵙鵙相如所謂交睛旋目是也

鵙鵙一作鵙

爾雅云鵙鵙一名鵙鵙雀之屬也飛則鳴鳴則搖其尾大
如鵙鵙背青灰色尾長腹下白頸下黑如連錢故杜陽人謂
之連錢詩曰鵙鵙在原兄弟急難鵙鵙水鳥首尾相應和
之至也今反在原則失其所矣故以况兄弟之急難詩曰
題彼鵙鵙載飛載鳴飛且鳴故謂之鵙鵙渠渠之言勤也

相感志云俗呼鵯鵯為雪姑蓋其色蒼白若雪鳴則天當大雪又好在雪中飛鳴性好食雪故曰雪姑

鷗

埤雅云鷗一名鷗鳬屬蒼黑色鷗好浮故字从漚列子曰鷗鳥之閑者百住而不止鳬鷗安樂于水者也詩云鳬鷗在涇公尸來燕蒼頡解語曰鷗鷗也一名水鴉數百為群隨潮上下常以三月風至乃還洲嶼風土記曰鷗鷗鳴也以名自呼大如小鷄生于荷葉上列子曰海翁好鷗每旦與鷗狎之鷗至百數思欲取玩之明日鷗舞而不下李義山太商箴曰海翁忘機鷗乃不飛海翁易慮鷗乃飛去

杜詩註云鷗性耐寒或云鷗似鴿而大俗呼水鷗蒼白色
性好浮又名水鷗鴿埤雅謂蒼黑色風土記謂如小鷗皆
非也

鷗

埤雅云鷗大如班鳩綠色鳴則有禍一名黃禍〇〇〇侯鮪所化
也俗呼車載板或曰鴟禍鳥也草木疏曰鴟惡聲之鳥也
入人家凶賈誼所賦鴟鳥是也鴟一作鴟其肉美可為羹
為炙異物志云鴟鳥如小鷗以其體有文色如衣服然故
人呼為鴟不能遠飛行不出域傳云夏雀生鴟楚鳩生鴟
廣志云鴟楚鳩所生本草云黃禍侯如鳩綠褐色鷗如小

兒吠竿詩云翩彼飛鵲集于泮林食我桑黹懷我好音言
鵲食桑黹則變而美其色好其音况德義豈不足以華小
人乎汲冢周書曰大雪之日鵲鳥不鳴虎始交
周官哲簇氏掌覆妖鳥之巢以方書十日之號十有二月
之號十有二歲之號二十有八星之號懸于巢上則去

梟

埤雅云梟不孝鳥也食母始飛如獍之食父也黃帝歆絕
其類使百司捕之故後世于歲始祓除凶災取以解祠黃
帝漢制五月五日作羹以賜百官此意也北山錄云鳥反
哺梟反噬此逆順之習也韓詩云鵲梟啄母腦母死于始

翻爾雅云梟鴟土梟也又曰烏少美長醜為鵂鴞註云鵂鴞猶田離詩所謂流離之子是也故梟又名流離又名鵂鴞
鵂鴞坪雅又云鵂鴞可以會梟窠又曰梟避星名鵂達歲子
桂林人取養捕鼠聲惡盡不見夜即飛

聽聲考詳篇云鶴聲宜學仙雉聲宜習武鳥聲宜習醫雁
聲宜習卜筮鵂聲宜習工巧梟聲宜符咒

鵂鴞

爾雅註云鵂鴞江東呼為鵂鴞即怪鴞是也一名角鴞頭
似猫而有毛角鳴則有雨爾雅又云雉老雉註云木兔也
似鳴鵂而小兔頭有角毛脚夜飛好食鵂說文曰雉鴞屬

从佳从丫有毛角若鳴其民有旤

埤雅云鴟鵂一名隻狐晝伏夜飛瞰致蚤鴟鵂鬼車之類
莊子所謂鴟鵂夜撮蚤察毫末晝出瞑目而不見丘山是
也一名訓狐一名鴟鵂顏之推曰雀奚久鷖鴟奚晝盲蓋
鴟鵂夜入人家拾人之瓜甲相其吉凶五行志云人家除
手足之瓜甲埋之戶內恐此鳥得之也爾雅云鴟鵂今獲
之其喙中猶有瓜甲一名鴟鵂鴟鵂一名鴟鵂本草云一
名鴟鵂一名鴟鵂入城城空入宅宅空故曰鴟鵂恠鳥也若聞
其笑聲宜速去之鳥似鴟而有角夜飛晝伏

鬼車

本草云鵲一名鬼車一名九頭鳥晦暝則飛鳴能入人家牧人魂氣俗云十首一被犬噬今猶帶血血滴人家必凶聞其鳴必振犬應之以其畏犬也昔孔子渡江見之子夏問之孔子曰嘗聞河上人歌云鵲兮鵲兮逆毛衰衣一身九首兮乃鵲也唐韻註云鵲鵲一身九頭九尾逆毛一名鵲辰一名錯落周官庭氏掌射國中之天鳥若不見其鳥獸則以救日之弓與救月之矢夜射之若神也則以大陰之弓與枉矢射之註云天鳥鬼車之類也草木子曰秦中天陰時鵲有聲如力車鳴

太平廣記云鬼車春夏之交陰晦則飛鳴尤愛入人家鑠

人菟氣滴血之家則有咎酉陽雜俎云鬼車白澤圖謂之
蒼鵠帝鵠書謂之逆鵠常見裴瑜所註爾雅言鵠糜鵠是
九頭鳥也夷堅志云李壽翁守長沙募人捕得之身圓如
箕十脰環簇其九有頭其一獨缺血滴如世所傳一脰各
生兩翅當飛時十八翼霍霍而動倘所向不同更相爭拗
用力競進而翅翮有傷折者

姑獲

本草云姑獲能收人菟魄一名乳母鳥言產婦所變也能
取人之子為己子胸前尚有两乳玄中記云姑獲一名天
常少女一名隱飛一名夜行遊女一名鬼鳥好取人小兒

養之有女子之家則血點其衣以為誌荆楚歲時記云姑獲一名勾星衣毛為鳥脫毛為女夜鳴聞則有挾耳左傳云鳥鳴于亳社周官庭氏所射正此鳥也按姑獲鳥疑即姑惡鳥也其聲自呼俗云嫂被姑捋澡絲湯潑死又曰媳婦被姑打死故化為此鳥背黑腹白尾短腳差長

鵩

鵩一名運日毒鳥也大如鴉紫綠色頸長七八寸淮南子曰運日知宴乃惡鳥之有智者或云鵩黑身赤目食腹蛇以毛歷飲食則殺人一名鴆日鵩運同音

埤雅云鵩似鷹而紫黑喙長七八寸作銅聲食腹蛇蛇入

口即爛屎溺著石亦爛禁呪起石取蛇以毛羽醺飲食則
殺人惟犀角可解其毒故有鳩處必有犀也七脩類藁云
鳩毒鳥也鷓鴣形大如鷓鴣雄名運日雌名陰諧山有鳩草木
不生秋冬間脫羽人以銀指甲拾取著銀甕中否則手爛
墮之以瀝酒飲人輒死謂之鳩酒本草會編云鷓鴣日生南
海一種狀似孔雀五色雜班高大黑頸赤喙一種狀如黑
鶩鷓鴣作聲似云同力故江東人呼為同力鳥

老鷓○老鷓雜俎云秦中有鳥如梟色青黃肉翅好食烟
見人輒驚落隱首草中露身聲如嬰兒啼名老鷓

編蝠

爾雅云蝙蝠服翼齊人呼為蠟螻楊雄方言曰自關而東謂之伏翼或謂飛鼠或謂鼯鼠自關而西謂之蝙蝠北燕謂之蠟螻抱朴子曰蝙蝠聲白如雪集則倒懸蓋腦重也本草云伏翼蝙蝠也出山谷及人家墻屋間一名天鼠一名仙鼠其屎淘過名夜明砂又名石肝又名鼠法乃老鼠飲油而變夜則飛食蚊蠅冬蟄夏出頭似鼠身連翼如一片然無尾翼邊有小爪如鼠足爪食諸乳穴精汁皆千歲頭上有冪淳白倒懸于石乳中仙經所謂肉芝是也

羅羅○山海經曰萊山有鳥名羅羅能食人

微微○山海經曰姑逢之山有鳥名微微見則天下大旱

灌灌○山海經曰青丘之山有鳥名灌灌佩之使人不惑
周周○鳥名垂頭屈尾飲于河則顛必以一頭附他鳥然
後得飲

蜚蜚○山海經曰崇吾之山有鳥名蜚蜚見則天下大水

譚史集卷之二終

譚史集

卷之二

七